

Universitätsbibliothek Paderborn

**Westphalia Sancta, Beata Et Pia, Sive Vitæ Eorum Qui sua
sanctitate et piis exemplis Westphaliam illustrârunt**

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

Praefatio Ad Lectorem.

urn:nbn:de:hbz:466:1-28481

၂၃၂

କୁଳା କୁଳା କୁଳା ? କୁଳା ? କୁଳା ? କୁଳା କୁଳା କୁଳା

P R A E F A T I O

Ad Lectorem.

Errant, qui cum imperita hominum turba crediderunt hactenus. & velut Oraculum è Delphis veniens ebuccinârunt internos irritum illud : Meinolphum Sanctum genuit Westphalia tantum. Projectò ineptus Poëtaster fuit, qui tam falsò & ignoranter de nobis cecinit. Sine libro scripsit, & probata tot Auctorum volumina non inspexit; idcirco à veritatis tramite tam longis spatiis deviavit. Meinolphum tantum? Superi boni! quis hoc Iupiter huic homini in aurem dixit? Felicior sanè est tellus nostra, magisq; Sanctorum ferax, quam ut ipsi ab imperito calamo tam nigrum theta infigi possit. Meinolphum tantum? Abite ergo Brunones, Hathumari, Altmanni, Altfredi Præfules! Facescite Jordani, Menrici, Godefridi, Everwordi Confessores; Cælis emigrate Thiadildes, Gertrudes,

Wal-

P R A E F A T I O.

Walburges , Helmtrudes illustria Virginum
Beatarum nomina ! Aufferte vos , & perenni-
bus tenebris vestre sanctitatis radios posthac in-
volvite , dum unus aliquis de trivio vates vel uno
duntaxat carmine vestram studet difflare glori-
am , obscurare claritatem . Meinolphum tan-
tum : imò ausim ego è diverso dicere . Westpha-
liam nostram hominum Sanctorum plurimos uni-
versali Ecclesiae exhibitaram fuisse , modo aut ve-
ri Evangelii luce maturius perfusa foret , aut Scri-
ptores habuisset , qui eorum acta virtutesq; maxi-
mas sollicitius adnotassent . Revolve annales prio-
rum temporum ! Quis Nortmannis rei Christia-
næ infensissimis hostibus etiam cum sui sanguinis
profusione gloriosius se opposuit , quam cum Ost-
phalis conjuncti Westphali , Duce S. Brunone
Martyre ? Quis Catholice veritatis dogmata
trans Visurgim Albimq; in Holsatiam intulit ,
quam iidem Westphali Ostphaliq; Praesule S. Vi-
celino Holsatorum quondam Apostolo ? quis
Livoniam inter Ethnicae superstitionis tenebras
diu fluctuantem Christianæ legi tandem subjugâ-
vit , quam iidem canente classicum B. Bernardo
primum Lippiensi Comite , post Abbate &
Episcopo Leahlensi ? Itaque , ut errorem ejus-
modi , qui tam profundè hactenus insedit pluri-
morum animis , non nihil aboterem ; opellam me-

P R A E F A T I O.

am uscunque tenuem studiosè contuli , magnâq; lucubrantis animi contentione in unum conquisi- vi , quidquid sparsim per Auctores varios de Per- sonis Westphalia nostræ Sanctis & illustribus re- perire licuit . Westphaliam Sanctam opuscu- lum hoc indigo , imitatus Bohuslaum Balbinum , & Matthæum Raderum , utrumque Societatis IESV scriptorem , quorum hic à Bavaria Sancta , ille à Bohemia Sancta suis libris nomen indidere : & quidem hæc primâ parte vitas eorum percenseo , qui certò aut verisimiliter natione Westphali re- periuntur cum titulo Sancti aut Beati ; acturus porrò in parte altera (modò per tempus liceat) & eorum vitis , qui , tametsi è Westphalia oriundi non fuerint , in eatamen sanctissimè versati sunt , quemadmodum S. Ludgerus primus Episcopus Monasteriensis , S. Wiho Episcopus Osnabrugensis , B. Meinwercus Episcopus Paderbornensis & alii . Sanctam Beatam , & piam simul vocito , quia & eorum vitas adjicere mens est , qui , cùm ab omni virtute & morum integritate spectatissimi fuerint , nondum tamen ad Sanctorum aut Bea- torum titulos suanomina perduxere . Cathari- nam de Huckeswagen è Ducatu Montensi in primam hanc partem traxi , eò quod in Auctori- bus pene omnibus reperiarem , Westphaliam Rheno & Visurgi tanquam extremis terminis circum-

scriptam

P R A E F A T I O.

scriptam esse: quanquam in aliis deinde id obser-
vare non voluerim, nesciens, an benignis hoc ipsū
oculis à quibusdam, qui se è numero Westphalo-
rum extractos cupiunt, accipiendum esset. Ordin-
nem secutus sum, non, quibus floruere, temporum;
sed literarum initialium, ut facilius ad manum
fitiant, quos desideras. Stylum postremo tenui,
non sublimem nimis, nec omnino humilem; sed
fere medium, quia de virtute Sanctorum mihi ser-
mo erat, quam in medio consistere passim in pro-
verbio est. Ceterum si quid scripsi, quod quen-
quam injustè offendat, aut ei in præjudicium ce-
dere possit, meminerit bonus lector id à me non
affirmari, sed ex aliis duntaxat excerptum esse.
Ego in omnibus, quæ omittenda, addenda, corri-
genda, aut quoquo modo immutanda videbuntur,
libenter me submitto, ideoq; pro coronide usurpo
illud D. Thomæ Opusc. 73. c. 21: Quòd si quid
malè vel minùs bene dictum est, veniam pe-
to, correctionem sustineo: scio enim, quòd
homo sum infirmus. Tu interim lector bene-
vole, si non opus ipsum, saltem conatus hosce meos
equi boniq; consule; & si quid ad gustum fuerit,
inter affectus amabilenos mei quandoque remini-
scere, qui sum

tuus & omnium Servus in Christo
N. N.